

廣州李氏舊譜序

昔余幼時從曾大父所見廣陵世譜印以活字只錄子婿不及外孫私恨其甚略及長究古人之宗法乃知此譜有深意蓋出東臯相公之指云壬辰兵禍國籍盡灰而況於家譜乎宗老士溫氏習知吾東諸閥世系重纂內外譜甚備以要余校印而末果一日聞韶李使君士修氏寄示姓譜一本全述東臯相公之舊書且倣蘇氏譜之詳略嚮之未及校者一見愜意信乎知要而能世業矣間有一二差漏處輒以所聞釐正仍序其顛末而還之噫吾遁村先祖斥忤逆眈逮禍遠避叅議先祖叩馬諫獻廟於昭悼之變直聲偉節古固無比爲後孫者苟忝其家聲則能無愧於此譜乎而遁村以後雖遠而一枝也本是同根不與之相睦者獨何心哉念祖先之情觀譜而油然而發則其亦有所感於此夫萬曆四十一年歲在癸丑孟夏效忠奮義炳幾翼社奮忠秉義決幾亨難

功臣大匡輔國崇祿大夫議政府領議政兼領經筵弘文館藝文館春秋

館觀象監事 世子師漢原府院君李德馨書

廣州李氏甲辰譜序

族弟判隸院夏源甫重修世譜校勘訖將送于其叔父北伯公莅所俾付剞劂乃要余而謂之曰是役也兄之先大夫蓋嘗經始而就緒者兄烏得無一言於斯乎曰諾是吾志也安敢以不文辭謹按舊刊同姓譜一冊即吾東臯先祖之所撰定也至壬辰軼於兵燹其後高祖考贊成公續有編次漢陰相國序之而生員公以上四代名諱始出諺傳雜記未有明文之可據故錄在卷端仍附其各派子孫以別本譜今行庚戌譜是也溯庚戌殆百有餘年世代寢遠子姓漸繁譜牒修改以時則可往在辛未先王考因諸宗所委重収各派單目據採攷正靡有闕漏遍加旁註添錄外孫程例不案詳略得意遂分爲上中下三卷草本既定王考下世其書歸于族叔父叅判公且待時而鐫行未幾叅判公又捐館出閉箱篋亦有年矣邇者北伯公以叅判公之弟出按藩臬旣可以鳩工辨

事而判決君以叅判公之胤又明敏精勤實幹校讐於是據印草兩本頗有增刪去取至若別譜子孫之不錄以其自貳也四代名諱之仍載所當存謹也斥合譜之說而辭理明正作辨疑之書而援据審悉不數月而編勦卒完判決君之力於是爲多而其亦吾宗大幸也歟於虔語云根深則枝茂源遠則流長此理之常耳惟我李氏之始顯於麗季逮 本朝極盛於 光廟成廟之世施

而及乎 明宣之際名公碩輔蔚然輩出文章德業焜耀簡策至今子孫千億科甲連倫此莫非祖先積累之厚有以致之也然則觀是譜者可不思所以紹闡餘休母墜其家聲耶此則吾與諸宗人之所當共勉而抑余別有所憾於心者記余昔時王考替執筆札於斯役尙了了如昨日事而轉頭之頃已過三紀矣不勝追撫愴咽茲叙數語並以志私感云爾

崇禎甲申後甲辰季夏後孫通訓大夫前行弘文館校理知製敎兼經筵侍讀官春秋館記注館承源謹叙

文景公派譜序

一氣相禪宗支繁衍萬嗣流慶珪組燁赫惟我

廣州李氏白

遁村先祖以後迄今五百餘載子姓漸益繁昌名公巨卿前後相望於世正斯之謂哉德業功勳雖如文武周公若無繼述其事則世無傳焉道德雖如孔聖子思若不續緒闡明人不得以稱焉故孝悌之心繼志述事尤極重焉先世之懿範善行後昆若不趾美而繼述世代寢遠攷證愈晦以是懼焉乃修明世譜先世偉勳善行一無泯滅而相傳且昭穆甚詳雖經百代之遠一根萬枝一源萬派證諸譜而曉然詳悉宗族相愛之情敦睦之風由譜而益爲培養功莫大焉惠莫重焉惟 文景公以下先輩祖宗迭相繼述吾門修譜權輿於文翼公而其後乃承祖武累次重刊矣逮及己未修譜而今距四十年久則其間生沒嫁娶及人事之迭變全不可攷吾派諸宗更以修譜屢相協議者已有年然地分南北事巨力綿衆議不一合譜終難 文景公後裔以派譜之意詢謀僉

同今舉劓鬲之功雖不他派疎之憾無若拘於小憾廢其大事忘其親親之仁而陷於舍熊取魚之義茲刊

文景公派譜吾門後來之君子今日經述之美惟願我日斯邁而月斯征無墜傳家之聲則私門之幸庸有既乎今役已訖諸宗強余識其事故敢忘猥陋而略述焉

檀紀四二九一年戊戌秋七月

燝來 謹序

昭睦圖

始祖

一代

二代

三代

四代

五代

六代

七代

唐

仁齡

集

希齡

自齡

天齡

之直

之剛

之柔

長孫

仁孫

禮孫

克培

克堪

克增

克墩

克均

世佐

守元

延慶

惟

宗慶

承慶

有慶

餘慶

宗慶

枝慶

潤慶

浚慶

若水

若冰

若海

元慶

世傑

守震

世佑

滋

守貞

守義

守亨

系

廣州李氏文景公派譜 卷之一

上編

李唐

高麗生員 朝鮮贈資憲大夫吏曹判書兼知義禁府事 輿地勝覽京畿道廣州人物編曰李唐本州吏登國子生員謹飭有賢行五子俱登文科 洪武戊申避賊匪禍隨子元齡南遁寄居于慶尙北道永川崔

司鍊元道家已酉卒崔公備殯殮一如其親使葬于其母墳下即慶尙北道永川郡原谷面羅峴里子壘原是也每祭時及有官子孫省掃時必并享崔公母夫人李氏墓 萬曆間有義城宗人犯葬者宗中齋議掘

去其後崔氏後孫犯葬者再而隨即掘去永爲定式兩家後孫皆不得繼葬 宣祖庚午七代孫宜慶爲清道郡守立表石撰陰記置位田墓戶建僧舍爲守護地 顯宗己酉外後孫沈梓爲本道觀察使以庚午碑

歲久殘缺改堅新石十一代孫右尹元楨撰陰記 英宗丙辰又改堅十二代孫判尹宜晚撰陰記

配仁華李氏

朝鮮 贈貞夫人墓在廣州而失其處 英宗甲戌後孫昌夏龍翰尋得於廣州古邑鶯洞文肅公之剛星州牧使之柔兩墓之間丑坐改修封塋立表石十六代孫正言基德撰陰記十二代孫承旨

光運書○五子第一仁齡改名逢登進士科官慶先庫使見下○第二元齡改名集見下○第三希齡登拾舉科官知郡事見甲二○二第四自齡登十韻科見甲二○第五天齡改名省登補賢見甲二

○一代

○唐

仁齡

生員公第一子○改名逢登進士官慶先庫使○長子遭

集

生員公第二子字浩然號遁村元泰定四年高麗忠肅王十四年丁卯六月初二日生忠穆王三年丁亥文科以學問志節鳴于世圃隱牧隱陶隱諸賢無不敬重恭愍王戊申忤辛旽禍將不測竊負父逃竄于同年